



MAJLIS PENGETUA SEKOLAH MALAYSIA NEGERI SELANGOR

PENILAIAN INTERVENSI TERBILANG AKADEMIK SELANGOR (PINTAS) 2026 BAHASA MELAYU TINGKATAN 5

Kertas 1

2 jam

1103/1

JANGAN BUKA KERTAS PEPERIKSAAN INI SEHINGGA DIBERITAHU

1. *Kertas peperiksaan ini mengandungi dua bahagian: Bahagian A dan Bahagian B.*
2. *Jawapan hendaklah ditulis di dalam kertas jawapan yang disediakan.*
3. *Jawapan boleh ditulis dalam tulisan Rumi atau Jawi.*
4. **Kertas jawapan** *hendaklah diserahkan kepada pengawas peperiksaan pada akhir peperiksaan.*

Kertas peperiksaan ini mengandungi 4 halaman bercetak.

Bahagian A

[30 markah]

Soalan ini mesti dijawab.

Petikan dan grafik di bawah menunjukkan maklumat berkaitan dengan amalan rumah terbuka dalam kalangan masyarakat di Malaysia.

Berdasarkan maklumat tersebut, huraikan pendapat anda tentang amalan rumah terbuka dalam kalangan masyarakat di Malaysia.

Panjangnya huraian hendaklah antara 150 hingga 200 patah perkataan.

Amalan rumah terbuka sudah menjadi satu tradisi setiap perayaan utama di Malaysia. Semasa perayaan seperti Hari Raya Aidilfitri, Deepavali, Tahun Baharu Cina, Hari Gawai dan Krismas, masyarakat pelbagai kaum dan agama berkunjung ke rumah terbuka untuk meraikan majlis tersebut.

Sumber: www.borneodailybulletin.com



Bahagian B

[70 markah]

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

1

SHAH ALAM - Kemahiran bertutur dalam bahasa asing pada masa ini sudah menjadi suatu tarikan kerana mampu meluaskan peluang pekerjaan. Seorang pekerja swasta, Azrey Hendery, 23, berkata, kemahiran ini dapat memberikan peluang kepada individu untuk mendapat lebih banyak kenalan dan mengenali budaya sesuatu kaum dari dalam dan luar negara.

Sumber: www.sinarharian.com.my

Huraikan manfaat-manfaat kemahiran tersebut.

2

PUTRAJAYA: Sejumlah 3.59 peratus dalam kalangan murid sekolah direkodkan ponteng sekolah bagi sesi akademik 2023/2024. Jumlah ini bersamaan dengan 182,848 orang murid daripada jumlah keseluruhan murid, iaitu sebanyak 5,093,272 berdasarkan data Kementerian Pendidikan Malaysia (KPM). Masalah ponteng sekolah ini berlaku antaranya disebabkan murid bekerja untuk membantu keluarga.

Sumber: Utusan Malaysia

Huraikan punca yang dinyatakan dalam petikan dan punca-punca lain berlakunya masalah tersebut.



SERTAI TELEGRAM @exercise_students

3

Pada era globalisasi ini, budaya dan warisan Malaysia tidak terkecuali daripada menerima pengaruh luar. Pendedahan kepada filem, muzik dan fesyen melalui platform digital seperti TikTok, YouTube dan Netflix telah memperkenalkan pelbagai budaya asing kepada rakyat Malaysia. Misalnya, trend berfesyen dan budaya makanan dari Barat. Oleh itu, peranan pelbagai pihak amat penting untuk mengekalkan budaya dan warisan Malaysia.

Sumber: www.jendeladbp.dewanbudaya.com

Huraikan peranan-peranan tersebut.

4

Pelepasan khas cukai pendapatan individu hingga RM1000 yang diumumkan dalam Belanjawan 2026 ialah usaha kerajaan bagi menggalakkan aktiviti melancong dalam negara bersempena dengan Tahun Melawat Malaysia 2026 (TMM2026). Perdana Menteri, Datuk Seri Anwar Ibrahim berkata bahawa langkah itu mampu merancakkan aktiviti pelancongan tempatan. Walau bagaimanapun, beliau juga melahirkan kebimbangan tentang cabaran untuk merancakkan aktiviti ini, iaitu peningkatan harga penginapan di destinasi popular seperti Langkawi.

www.bharian.com.my

Selain cabaran yang dinyatakan dalam petikan di atas, huraikan cabaran-cabaran lain untuk merancakkan aktiviti tersebut.

KERTAS PEPERIKSAAN TAMAT

